

BOSNA I HERCEGOVINA



БОСНА И ХЕРЦЕГОВИНА

**Tužilaštvo - Tužiteljstvo Bosne i Hercegovine
Тужилаштво Босне и Херцеговине**

**Broj: T20 0 KTRZ 0010062 15
Sarajevo, 21.02.2023.godine**

**SUDU BOSNE I HERCEGOVINE
- Sudiji za prethodno saslušanje -**

Na osnovu člana 35. stav 2. tačka i), u vezi člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

O P T U Ž N I C U

Protiv:

**Puhalić Slavka, [REDACTED] rođenog [REDACTED] 1955. godine
u Prijedoru, [REDACTED] državljanina Bosne i
Hercegovine, [REDACTED]**

**Rudak Željka, zvanog „Deba“, [REDACTED] rođenog [REDACTED]
1972. godine, [REDACTED] u Prijedoru,
[REDACTED] državljanina Bosne
i Hercegovine, [REDACTED]**

**Škrbić Dragana, [REDACTED] rođenog [REDACTED]
1967. godine [REDACTED] u Prijedoru [REDACTED]
državljanina Bosne i Hercegovine, [REDACTED]
[REDACTED]**

4. *Damjanović Rajka*, [REDACTED]
rođenog [REDACTED] 1972. godine u Prijedoru,
[REDACTED],
državljanina Bosne i Hercegovine, [REDACTED]

[REDACTED] Šaponja Dragomira, [REDACTED] rođenog
[REDACTED] 1965. godine u Prijedoru, [REDACTED], državljanina Bosne i
Hercegovine, [REDACTED]

Što su:

Za vrijeme širokog i sistematičnog napada vojnih, paravojnih i policijskih snaga tzv. Srpske Republike Bosne i Hercegovine, a kasnije Republike Srpske, koji se odvijao u periodu od kraja aprila mjeseca do početka oktobra mjeseca 1992. godine, usmjeren protiv civilnog nesrpskog stanovništva na području općine Prijedor, u okvirima udruženog zločinačkog poduhvata koji se odvijao u isto vrijeme na području općine Prijedor sa planom progona bosanskih Muslimana, bosanskih Hrvata i drugog nesrpskog civilnog stanovništva sa područja te općine na diskriminatorskoj osnovi po nacionalnoj, vjerskoj i etničkoj osnovi, kojim je rukovodio Krizni štab općine Prijedor [REDACTED]

[REDACTED] te drugi nosioci funkcija u civilnoj i vojnoj i policijskoj vlasti na području te općine, i svi oni znajući za taj napad i da njihove radnje predstavljaju dio tog napada i plana udruženog zločinačkog poduhvata, izvršen je oružani napad artiljerijom i drugim oružanim sredstvima na nebranjeno nesrpsko civilno stanovništvo u naseljima na području općine Prijedor, a preživjelo civilno stanovništvo, među kojima posebno intelektualci, privrednici, pripadnici političkih stranaka i imućniji građani, nakon toga nezakonito sistematski lišavano slobode i samovoljno zatvarano u logore „Omarska“, „Keraterm“ i „Trnopolje“, koji su formirani i djelovali prema direktivama od strane Kriznog štaba u kojima je to stanovništvo podvrgavano nehumanim uvjetima bez dovoljno prostora, lišenju slobode, mučenju, prisiljavanju na seksualni odnos ili sa njim izjednačeno seksualno nasilje (silovanje), lišavanje života i prisilnog nestanka izvođenja iz logora i odvođenjem u nepoznatom pravcu logoraša, koji ni do danas nisu pronađeni i koji se

vode kao nestale osobe, tako da je više desetina hiljada civila prošlo kroz taj sistem logora u kojima se odvijao sistematski udruženi zločinački poduhvat, a u okviru kojeg su [REDACTED] Slavko Puhalić kao de facto islijednik i zamjenik upravnika logora „Trnopolje“ (služio u toku rata u jedinici VP 7362 od 17.11.1991.-30.11.1993.), [REDACTED]

[REDACTED] Škrbić Dragan stražar u logoru „Trnopolje“ kao pripadnik VP 7362 Prijedor od 16.09.1991.-15.12.1992., Rudak Željko stražar u logoru „Trnopolje“ kao pripadnik VP 7362 Prijedor od 20.11.1992.-22.09.1996., [REDACTED]

[REDACTED] Rajko Damjanaović stražar u logoru “Trnopolje” i “Keraterm” kao pripadnik VP 7362 Prijedor od 01.02.1992.-22.09.1996. i Dragomir Šaponja kao stražar u logoru “Omarska” kao pripadnik za VP 7362 01.10.1991. do 08.11.1991.godine, izvršavajući plan tog udruženog zločinačkog poduhvata u okviru logora “Omarska”, “Keraterm” i „Trnopolje“ u taj logor nezakonito lišilo slobode i zatvorilo više desetina hiljada civila nesrpske nacionalnosti, muškaraca, žena, djece i staraca, te održavali i podržavali taj sistem nehumanog postupanja prema zatvorenim civilima i suprotno osnovnim pravilima međunarodnog humanitarnog prava, u tom logoru kroz držanje u nehumanim uslovima nedovoljnog prostora bez osnovnih higijenskih, zdravstvenih i sanitarnih uvjeta i potreba, mučenje, seksualno zlostavljanje i prisiljavanje na seksualne odnose, ubistva i prisilnim nestanaka izvođenjem civila iz logora u nepoznatom pravcu, tako da ni do danas nisu pronađeni, te činjenju drugih nehumanih djela slične prirode prema tim civilima, a što je sve činjeno u namjeri nanošenja velike patnje ili ozbiljnih i teških fizičkih i psihičkih povreda i duševnih patnji i bolova uz ozbiljno narušavanje zdravlja tih civila, poduzimajući radnje progona i ultimativno postizanje krajnjeg cilja permanentnog preseljavanja i progona civilnog nesrpskog stanovništva sa područja planirane srpske države u Bosni i Hercegovini, pa su tako u okviru tih logora poduzimali, odnosno propuštali poduzeti radnje čime su doprinosili održavanju tog sistema udruženog zločinačkog poduhvata,

pa su tako:

LOGOR TRNOPOLJE

I Puhalić Slavko

U periodu od kraja mjeseca maja 1992. godine pa do početka mjeseca oktobra 1992. godine, u svojstvu zamjenika upravnika logora „Trnopolje“ pored [REDACTED]

[REDACTED] najodgovornija osoba za organizaciju stražarskih službi i funkcionisanje logora, je bio nadređeni i odgovoran za rad svih stražara u logoru i imao stvarnu kontrolu nad radom i ponašanjem svih pripadnika stražarske službe u logoru „Trnopolje“ i većine lica koja su u logor dolazila izvan logorske organizacije, vršio nadzor nad uslovima u logoru „Trnopolje“ i nad životima i tijelima najvećeg broja civila zatočenih u logoru „Trnopolje“, među kojima veliki broj žena, djevojaka maloljetnica i djece od koje su i neka smrtno stradala, na način da je učestvovao u samovoljnem lišavanju slobode zatočenika, doprinosio i pospešio funkcionisanje logorskog sistema zlostavljanja i progona putem različitih oblika fizičkog, psihičkog i seksualnog nasilja, imajući ovlaštenja i dužnost da poboljša uslove u logoru, koji su bili surovi i degradirajući, stvarajući atmosferu terora, držeći zatočenike bez osnovnih životnih potrepština hrane, pitke vode, lijekova i zdravstvene zaštite, te u nehigijenskim uslovima i prenatrpanim prostorijama, podvrgnuvši ih svakodnevnim isljeđivanjima, premlaćivanjima, mučenju, poniženju i psihološkom zlostavljanju, držeći ih protuzakonito u neprestanom strahu za svoje živote i tijela, duševno stanje i dostojanstvo pa je najveća većina tih zatočenih osoba podvrgnuta mučenju i zlostavljanju na najbrutalnije načine, a više stotina zatočenika podvrgnuto seksualnom nasilju i silovanju, ubijeno ili umrlo od posljedica ovakvog stanja, a drugi logoraši trpili fizičke ili duševne bolove, a da nije shodno svojim ovlaštenjima i autoritetu poduzimao mјere da spriječi stražare i druge naoružane osobe koje su ulazile u logor Trnopolje, da čine navedena djela, pa je tim svojim radnjama i propustima, pomogao i doprinio održavanju sistema udruženog zločinačkog poduhvata u logoru Trnopolje, kojeg je bio svjestan i htio izvršenje cilja i posljedica tog sistema, u okviru čega je:

- 1. Od početka mjeseca juna pa do kraja mjeseca septembra 1992. godine, znajući da se sprovode sistematska silovanja žena i djevojaka nesrpske nacionalnosti protupravno lišenih slobode, razdvojenih od svojih porodica i nasilno zatočenih u prostorijama objekata u krugu logora „Trnopolje“ (koji je obuhvatao zgradu u kojoj su se nalazile prostorije mjesne zajednice Trnopolje, bivša kino sala, kafana, zgrada Osnovne škole, lokalna ambulanta i privatne kuće u mjestu Suhı Brod, a koje su činile vanjski obruč logora), koja seksualna zlostavljanja i silovanja su počinjena u cilju pospešivanja opisanog sistema zlostavljanja i progona u kojem je i sam učestvovao, a od kojih se veliki broj silovanja dešavao uglavnom noću, a neka od silovanja i u toku dana, a žene koje su seksualno zlostavljane i silovane su bile nemoćne i u bezizlaznim situacijama, pa čak i u onim kad su primorane da uz potvrdu koju je izdavala uprava logora izlazile van prвog obruča logora, kojeg su činili prvi stražarski punktovi, i odlaze u okolne kuće drugi krug obruča gdje su se nalazile stražarska mjesta pripadnika kako vojnih tako i drugih za sad neidentifikovanih jedinica vojske i policije Republike Srpske, ne znajući za takve punktove i tačke nadzora odlazile do kuća u mjestu Suhı Brod, u potragu za hranom kako bi istu donijele nazad malodobnoj djeci koja su se pored majki nalazili zatočeni u logoru, a da bi u tim kućama u toku dana veliki broj žena brutalno i u više*

navrata od strane više lica bio izložen seksualnom nasilju i silovanju, dok bi u toku noći, stražari logora dozvoljavali i omogućavali ulazak pripadnika vojske i ostalih naoružanih lica u prostorije, gdje su boravile žene i koji bi baterijama osvjetljivali lica tih žena i izvodili one koje im se dopadnu i potom odvodili prema Kozarcu, gdje su seksualno zlostavljanje i silovane što su potvrđili i zatočeni ljekari iz ambulante u sastavu logora (doktor ██████████), te ljekar ██████████, koji su neke od tih silovanih žena odveli na pregled u Dom zdravlja Prijedor, gdje je ustanovljeno i dokumentovano masovno silovanje žena muslimanske nacionalnosti, dok je medicinsku dokumentaciju koju je sačinila ginekološka komisija Dom zdravlja Prijedor preuzeala vojna policija 43. Mtbr, i kasnije s istom najmeron provođenja plana, dokumentacija skrivena i uništена, a Slavko Puhalic kao odgovorna osoba za funkcionisanja stražarske službe i zaštite zatočenih osoba, nije osigurao i obezbjedio minimum uslova da se te žene zatočene u logoru ili u okruženju logora Trnopolje, zaštite od takvog postupanja odnosno radnji propuštanja stražara u logor i lica koja su dolazila izvan logora, na način da nije osigurao da stražari spriječe ulazak tih lica u logor i u obližnje kuće, koje su bile dio logora i odvodenje i vršenje seksualnog i drugog nasilja nad tim ženama i maloljetnim djevojkama, niti poduzeo mjere utvrđivanja odgovornosti i kretanja tih lica za to djelo, u okviru čega je:

- 1.1. *propustio odnosno nije postupio u skladu sa dodjeljenom odgovornošću i ovlaštenjima i u slučaju kada je najmanje 10 zatočenih djevojčica, djevojaka kao i žena zatočenih u logoru „Trnopolje“ izvedeno od strane pripadnika tenkovske jedinice „Manjakosi“ i tokom noći zlostavljanje u obližnjim kućama u Trnopolju, među kojima se nalazila i **trinaestogodišnja djevojčica ██████████**, koja je na jedan od najbrutalnijih načina grupno silovana od strane pripadnika jedinice „Manjakosi“, na način da je, u objektu jedne privatne kuće u Kozarcu, u koju su dovedne i u kojoj se u prijeratnom periodu u prizemlju te kuće nalazila bivša kafana “Indexi”, skinuta do gola i postavljena na sto u ležeći položaj, okružena vojnicima koji su je posipali alkoholom, dok su druge djevojke koje su tu dovedene mogle vidjeti kako se radi o maloljetnici, nerazvijenog tijela, nižeg rasta, i dok je tako ležala vrištala je i molila da prestanu, gdje je seksualno zlostavljanje i silovana od pripadnika jedinice „Manjakosi“, što su nakon vraćanja ovog djeteta u logor Trnopolje, potvrđili i ljekari i medicinski tehničari koji su djelovali u sklopu logora a među njima i ██████████, te na taj način Slavko Puhalic kao odgovorna osoba za organizaciju, čuarske službe i sigurnost u logoru Trnopolje, ništa nije poduzeo da spriječi navedena lica da izvedu iz logora zatočene osobe i dijete i učine navedeno, uslijed čega su djevojčice, djevojke i žene trpile fizičke i duševne bolove, a uslijed pretrpljenog seksualnog nasilja i silovanja kod ██████████ nastupila je smrt;*
- 1.2. *propustio odnosno nije postupio u skladu sa dodjeljenom odgovornošću i ovlaštenjima, i u slučaju kada je u noći od strane pripadnika tenkovske jedinice „Manjakosi“, zatočenica logora Trnopolje ██████████ koja je nakon čišćenja naselja Trnopolje krajem*

mjeseca juna 1992. godine, zatočena u prostoriju kino sale u sklopu doma kulture u logoru Trnopolju, u toku noći, u prostoriju u kojoj se nalazila iznenada upali srpski vojnici s baterijskim lampama i koji baterijskom lampom osvijetljavaju prisutne žene i potom odabiraju djevojke, koje na silu izdvajaju vukući ih za ruke, za kosu i druge dijelove tijela, dok je uz tu vrisku i plač neke majke drže svoje kćerke u zagrljaju, a neke su i legle preko njih u namjeri da ih sakriju svojim tijelima, jedan od vojnika uperio bateriju i za kosu povlači prema sebi stavljajući nož pod vrat i vukući prema izlazu sale [REDACTED], a po izlasku tjerajući je da se popne na karoseriju jednog vojnog kamiona sa ceradom, gdje se nalazilo najmanje desetak djevojaka, koje nisu smjele dizati glavu jer se u pratnji s njima na karoseriju popelo i nekoliko vojnika, sjedile su na dvije drvene klupe postavljene na karoseriji kamiona i tako dok su izvođene na kamion, tu im i naređuju da obore glave i da „prestanu plakati ili će im tamo gdje ih vode biti gore sve što se više opiru“, dolaskom kamiona u Kozarac, [REDACTED] je prepoznala kuću u kojoj se prije rata nalazila kafana „Indexi“, a koja se nalazila sa desne strane puta na ulazu za Kozarac, dok se ispred samog kafića tada nalazio parkiran tenk, potom su uvedene u kuću gdje su ih vojnici preuzimali i vodili na sprat te kuće po sobama, [REDACTED] je uvedena u prostoriju u prizemlju kuće koja je imala vrata i tu je silovana od vojnika kojeg je poznavala iz ranijeg perioda [REDACTED]

[REDACTED] dok je u više navrata silovana od strane [REDACTED], drugi su vojnici pripadnici iste jedinice ulazili i čekali ispred svoj red, nakon toga je silovana od strane drugog vojnika, da bi nakon ovih silovanja i seksualnih zlostavljanja prijetili [REDACTED] da ne smije ništa reći šta se desilo, a nakon što je vraćena u logor Trnopolje, naredni dan je od stražara logora odvedena na ginekološki pregled ljekara u Domu zdravlja Prijedor, a po povratku s pregleda od ljekara iz ambulante logora Trnopolje, [REDACTED]

[REDACTED], ove djevojke među kojima i [REDACTED] su skrivené i naredni dan poslane u konvoju za Doboj, te na taj način Slavko Puhalic kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, seksualno zlostavljanje i silovanje žena i djevojaka u logoru Trnopolje, uslijed čega su triple fizičke i duševne bolove;

- 1.3. propustio odnosno nije postupio u skladu sa dodjeljenim ovlaštenjima i odgovornošću i u slučaju kada je zatočenica logora Trnopolje [REDACTED], tokom neutvrđenih dana u mjesecu junu i julu 1992. godine iz prostorija logora Trnopolje, u namjeri i potrebi da pronađe hranu za svoju malodobnu djecu, obratila sam se jednom [REDACTED] nepoznatom srpskom vojniku koji je bio na punktu koji se nalazio ispred ulaza u školu i zamolila ga da je pusti, da bi joj taj vojnik rekao da nije sigurno i da će on ići u njenoj pratnji, udaljivši se od logora silovana od strane tog stražara i pritom isti stražar joj nanosi teže povrede, na način da je [REDACTED] jako udario nogom u predjelu brade, a od siline tog udara izbio zube u gornjoj vilici dok su joj se zubi u donjoj vilici rastavili, od kojeg udara joj je počela teći krv i od čega je kasnije trpila jake bolove i još uvjek ima trajne

posljedice, a nakon nekoliko dana [REDACTED] je silovana i od straža s drugog ulaza u logor Trnopolje, koji se nalazio iza objekta škole, gdje je odmah na istom mjestu i silovana od tog stražara, a od posljedica ovih silovanja [REDACTED] je ostala u drugom stanju i deportacijom i dolaskom u Zenicu, tamo je rodila živo dijete, te na taj način Slavko Puhalić kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, seksualno zlostavljanje i silovanje u logoru Trnopolje, uslijed čega je “[REDACTED] trpila fizičke i duševne bolove;

- 1.4. *propustio odnosno nije postupio u skladu sa svojim ovlaštenjima i odgovornošću i u slučaju kada je zatočenica [REDACTED], zatočena u logoru Trnopolje, odvođena u prostoriju koja se nalazila u prizemlju i bila u sklopu škole u okviru logora gdje su boravili zatočeni civili, svakodnevno u više navrata u mjesecu julu 1992. godine, odvođena na ispitivanja gdje je seksualno zlostavljanja i silovana od strane stražara tog logora, a od posljedica tih silovanja nakon deportacije i dolaskom u Zenicu, tamo je rodila živo dijete, te na taj način Slavko Puhalić kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, seksualno zlostavljanje i silovanje u logoru Trnopolje, uslijed čega je [REDACTED] trpila fizičke i duševne bolove;*
- 1.5. *propustio odnosno nije postupio u skladu sa svojim ovlaštenjima i odgovornošću i u slučaju kada je [REDACTED], zatočenu u logoru Trnopolje, koja je nakon što je 09. jula 1992. godine, završeno čišćenje preostalih civila iz kuća po Trnopolju, dovedena sa svojom bebom u prostorije Poljoprivredne zadruge, koja je bila u sklopu logora, u toku noći izvedena i pod prijetnjom odvojena od svog malodobnog djeteta i dovedena u kafanu „Trnjanka“, koja se nalazila u okviru logora Trnopolje i u kojoj se nalazio punkt stražara, i u toj prostoriji zlostavljanja psihički i silovana od strane više [REDACTED] neidentifikovanih vojnika i policajaca, od kojih je jedno lice nosilo uniformu tadašnje milicije, te na taj način Slavko Puhalić kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, seksualno zlostavljanje i silovanje u logoru Trnopolje, uslijed čega je [REDACTED] trpila jake fizičke i duševne bolove;*
- 1.6. *propustio odnosno nije postupio u skladu sa svojim ovlaštenjima i odgovornošću i u slučaju kada je [REDACTED] zatočena u logoru Trnopolje, kada je tokom mjeseca juna 1992. godine, od Uprave logora došlo naređenje da žene s djecom koje imaju članove porodice a čije kuće se nalaze u mjestu Suhu Brod, koje je u sastavu kruga tog logora i pod nadzorom te uprave, mogu preći u te kuće u mjestu Suhu Brod i da se ne smiju kretati dalje iz tih kuća, pa je shodno tome [REDACTED] zajedno sa svojom maloljetnim djetetom otišla u kuću koja je bila vlasništvo [REDACTED] u mjestu Suhu Brod, gdje je zajedno sa njom u toj kući boravilo najmanje 18 žena s djecom, u istu kuću po*

dolasku ovih žena dolaze uniformisan, maskirana i naoružana lica, koja naređuju ženama i djeci da izađu ispred u dvorište kuće, gdje ih postrojavaju, a potom ispred tako postrojenih žena kreću se i biraju žene koje će izvesti iz stroja, da bi prvu noć izveli [REDACTED] koju uvode u prostorije kuće gdje je boravila i tu seksualno zlostavljuju i siluju, da bi isto ponovili i naredni dan, na način da pred istu kuću dolazi ovaj put tenk koji pripada jedinici „Manjakosi“, čija posada okreće cijev prema kući i ponovo naređuje ženama i djeci da izađu u dvorište kuće kako bi se postrojili, a da [REDACTED] vojnik iz tog tenka koji izdaje naređenje, šeta se ispred postrojenih žena koje u naručju drže djecu koja plaču od straha, birajući žene izvodi [REDACTED] kojoj otima djete iz naručja i tjera nju da uđe u tenk, i potom tenkom je dovozi do Kozaraca u kuću u kojoj se prije rata nalazio kafić „INDEXI“, gdje je uvedena u prostoriju u kojoj su se nalazili drugi pripadnici te jedinice, i gdje je nakon seksualnog zlostavljanja i silovanja od strane [REDACTED] nepoznatih pripadnika te tenkovske jedinice „Manjakosi“, te na taj način Slavko Puhalić kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, seksualno zlostavljanje i silovanje u logoru Trnopolje, uslijed čega je [REDACTED] je trpila fizičke i duševne bolove;

- 1.7. *propustio odnosno nije postupio u skladu s svojim ovlaštenjima i odgovornošću i u slučaju kada je [REDACTED], zatočena u logoru Trnopolje, u prostoriji koja je prije rata bila garaža i koja se nalazila u sklopu logora Trnopolje, i bila pod kontrolom uprave tog logora i stražara koji su obezbjeđivali logor, kako zatočeni civili ne bi isti mogli napustiti bez njihovog znanja, uz dozvolu stražara s punkta na ulazu u logor Trnopolje, potvrdu koja je dozvoljavala kretanje taj dan za [REDACTED] do naselja Suhi Brod, pa je [REDACTED] u potrazi za hranom izašla i krenula prema kućama u Suhom Brodu, nailazeći pored kuće u vlasništvu [REDACTED] u kojoj se prijerata nalazila kafana „Sretno“, naišla je na stražarski punkt koji su tada obezbjeđivali trojica [REDACTED] neidentifikovanih stražara u logoru Trnopolje, koji su je vidjevši je ugurali u kuću, pretukli, i tada su je sva trojica seksualno zlostavljali i izviljavali nad njom a potom i brutalno silovali, iako ih je molila da prestanu, jer je tada bila starija maloljetnica i nikad ranije nije imala seksualne odnose, a nakon silovanja ostala je do noći u toj kući, kada je opažena kako izmrcvareno leži od strane jednog civila Srbinu, mještanina, koji je zaprežnim kolima se kretao kroz naselje, taj čovjek je unosi na kola i odvozi u logor gdje je predaje [REDACTED], te na taj način Slavko Puhalić kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, seksualno zlostavljanje i silovanje [REDACTED] u logoru Trnopolje, uslijed čega je civil [REDACTED] trpila fizičke i duševne bolove;*
- 1.8. *propustio odnosno nije postupio u skladu sa svojim ovlaštenjima i odgovornošću i u slučaju kada je [REDACTED], zatočena u logoru Trnopolje, kada od uprave tog logora dolazi naređenje da žene s djecom koje imaju članove porodice a čije kuće se nalaze u mjestu*

Suhi Brod, koji je u sastavu kruga logora koji je pod nadzorom uprave, mogu preći u te kuće i da se ne smiju kretati dalje iz tih kuća, pa je [REDACTED] u potrazi za hranom zajedno sa svojom maloljetnom djecom tačno neutvrđenog dana u toku mjeseca juna 1992. godine, otišla u kuću koja je bila vlasništvo [REDACTED] u mjestu Suhi Brod, zajedno sa njom u toj kući boravilo još najmanje 10 žena s djecom, u istu kuću po dolasku ovih žena dolaze uniformisan, maskirana i naoružana [REDACTED] nepoznata lica koja naređuju ženama i djeci da izađu ispred u dvorište kuće, gdje ih postrojavaju a potom ispred tako postrojenih žena kreću se i biraju žene koje će izvesti iz stroja, da bi prvi dan izveli [REDACTED] [REDACTED] koju uvode u prostorije kuće gdje je boravila i tu seksualno zlostavljuju i siluju, nakon čega vojnik koji je izdvojio [REDACTED] vraća nazad u stroj s ostalim ženama pred kuću, a nakon nekih 15 do 20 minuta koliko su tu stajale postrojene, isti vojnik koji je i prvi put silovao [REDACTED], opet joj prilazi uzima za ruku i vodi opet u istu prostoriju, gdje je na razne načine seksualno zlostavlja a potom i siluje, a nakon silovanja po drugi put napušta kuću, gdje [REDACTED] ostaje i dalje zatočena u toj kući, zajedno s ostalim ženama i njihovom malodobnom djecom u strahu i psihološkoj nemoći za svoj život i tijela, preživljavajući seksualna mučenja i traume, kao žrtva i očevidec drugih silovanja žena koje su zatočene po kućama u mjestu Suhi Brod, koje kontrolira uprava logora Trnopolje, te na taj način Slavko Puhalic kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, seksualno zlostavljanje i silovanje u logoru Trnopolje, uslijed čega je civil “[REDACTED] trpila fizičke i duševne bolove;

- 1.9. *Dopustio da [REDACTED], s svojom porodicom i porodicom [REDACTED], neutvrđenog dana u mjesecu junu 1992. godine, ode da boravi u kući koja se nalazi ispod glavne ceste Prijedor-Banja Luka, ta kuća je bila [REDACTED] kuća u nizu putem prema Kozarcu i veoma blizu logora Trnopolje, znajući da će tamo biti bez zaštite, pa je [REDACTED] silovana od [REDACTED] nepoznatog naoružanog lica u sivomaslinastoj uniformi čitavu noć u spavaćoj sobi te kuće, dok su ostali članovi njene porodice, [REDACTED] boravili tu noć u kući, pa je na taj način Slavko Puhalic kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedeno lice da učini navedeno mučenje, seksualno zlostavljanje i silovanje zatočenice iz logora Trnopolje, uslijed čega je civil [REDACTED] trpila fizičke i duševne bolove;*
2. *Nije poduzeo mjere zaštite zatočenih civila u vrijeme zatočenja civila u logoru Trnopolje, među kojima je bila i [REDACTED], mlada žena koja je tada imala 22 godine i u logoru Trnopolje dovedena je zajedno sa svoje dvije malodobne djevojčice i to [REDACTED] koja je tada imala godinu i pol dana i [REDACTED] koja je imala 9 mjeseci života, od članova njene porodice u logoru je bila [REDACTED], pa kad je tačno neutvrđenog dana u toku mjeseca juna 1992. godine, [REDACTED] držala svoje najmlađe dijete u*

naručju koje je još dojilo, iz pravca punkta ispred logora Trnopolje, gdje su se nalazili stražari čula vika, a potom rafalna paljba koja je usmjerena prema školi gdje su se nalazili zatočeni civili među kojima i ova mlada majka sa svoje dvije djevojčice, od koje paljbe je pogodjena i naočigled svih prisutnih [REDACTED] pala i srušila se pored [REDACTED], također zatočenice logora Trnopolje, i umirala u mukama dva sata a da joj nije pružena medicinska pomoć, a dvoje maloljetne djece je time ostalo bez majke, tijelo [REDACTED] je iznešeno van, pa je na taj način Slavko Puhalić kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje i ubistvo civila [REDACTED] zatočene u logoru Trnopolje;

3. Nakon zatočenja medicinskog tima u prostorije bivše terenske ambulante u Trnopolju, Puhalić Slavko kao de facto zamjenik komandanta logora Trnopolje i koji je postupao i kao islijednik u logoru „Trnopolje“, dolazi u iste te u prostorije i razgovara sa [REDACTED], studentom medicine, koji je kao zatočenik logora raspoređen u tu ambulantu u logoru Trnopolje, ispitujući istog da li su mu poznata lica [REDACTED], da bi nakon ovog razgovora, [REDACTED], od strane [REDACTED] neidentifikovanih uniformisanih i naoružanih pripadnika vojske izvedeni iz prostorije biblioteke, u sklopu zgrade osnovne škole koja je u sastavu logora Trnopolje, dovedeni u prostorije labaratorije u sklopu ambulante u krugu logora Trnopolje, gdje su obojica zlostavljeni na razne načine i pretučeni nogama, rukama i različitim predmetima uslijed čega su trpili fizičke i duševne bolove od strane nepoznatih naoružanih osoba, a koju prostoriju laboratorije su stražari u ovom logoru koristili za ispitivanje zatočenih civila, gdje bi ih zlostavljavali i premalačivali nakon čega bi zidovi ove prostorije ostajali krvavi i morali su se čistiti nakon svakog uvođenja zatočenih civila u ovu prostoriju, a potom su [REDACTED] prisiljeni da uđu u gepek auta, koje je u rikverc doveženo pred ulaz ambulante i od strane nepoznatih naoružanih osoba odvedeni u nepoznatom pravcu, a posmrtni ostaci [REDACTED] ekshumirani i identifikovani u masovnoj grobnici u mjestu Matrići, te na taj način Slavko Puhalić kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, zlostavljanje i ubistvo navedenih lica u logoru Trnopolje;

4. U toku mjeseca juna 1992. godine, u logoru Trnopolje:

- 4.1. U jednom od objekata koji su se nalazili u krugu logora Trnopolje, doveden je [REDACTED], dok su se u istoj prostoriji nalazili [REDACTED] Rudak Željko i još jedan [REDACTED] neidentifikovani vojnik VRS, obučeni u uniforme i naoružani sa oružjem koji su ujedno u logoru Trnopolje od strane logoraša bili prepoznati kao de facto stražari tog logora, [REDACTED] prilazi i naređuje [REDACTED] da uzme papir i olovku i da napiše izjavu kojoj političkoj stranci pripada, za koga je glasao i slično, da bi tada

[REDACTED] zajedno sa Rudak Željkom i još jednim nepoznatim vojnikom počeli udarati [REDACTED], na način da ga je [REDACTED] udarao drvenom nogom od stolice po svim djelovima tijela, a potom [REDACTED] je stavio šljem na glavu i tom drvenom nogom od stolice udarao po šljemu, a kada bi [REDACTED] pao od udaraca tada bi ga podizali i nastavlјali udarati, potom je [REDACTED] naredio [REDACTED] da klekne u položaj za klanjanje, i u tom položaju [REDACTED], Rudak Željko i NN vojnik nastavljuju ga udarati nogama i rukama u predjelu rebara i leđa, nakon čega [REDACTED] prisiljava [REDACTED] da piše izjavu u kojoj je morao navoditi pogrdne riječi protiv Srba, a koju izjavu je [REDACTED] uzeo i obratio se svim prisutnim u prostoriji sa riječima "vidi šta je balija napisao" i tada bi ga sva trojica opet nastavili tući rukama, nogama po svim djelovima tijela, nakon čega je [REDACTED] sjeo i iz čizme izvadio vojnički nož, pitajući [REDACTED] "koliko je četnika sa njim zaklao", a potom prinosi nož ispod vrata [REDACTED] obraćajući mu se sa riječima da ga neće zaklati ali da će mu na Bajram napraviti krst na prsima, potom [REDACTED] oštricom noža uzerzuje rane u obliku krsta na prsima [REDACTED], nanoseći [REDACTED] fizičku bol i duševnu patnju, govoreći "Evo sad ćeš biti prekršćeni Srbin", i tako krvavog vraćaju ga nazad u prostorije logora u Trnopolju u kojima su boravili i ostali zarobljeni civili, nanoseći [REDACTED] teške fizičke i psihičke patnje, od kojih su ozbiljni na prsima [REDACTED] bili vidljivi i nakon 10 godina od njegovog zlostavljanja, a da Puhalić Slavko kao odgovorna osoba za organiziranje i rad stražara i osiguranje logora Trnopolje, nije ništa poduzeo da zaštiti navedenog logoraša odnosno sprijeći Rudak Željka i [REDACTED] zajedno sa još jednim NN licem, koja su prema [REDACTED] činili navedena zlostavljanja niti da ta lica privede odgovornosti za učinjeno zlostavljanje;

- 4.2. Zatočenik logora [REDACTED], vidno pretučen, sa košuljom otkopčanom preko prsa i vidno urezanom ranom u obliku križa, doveden je u ambulantu u krugu logora Trnopolje, i predat ljekarskom timu koji je tu ordinirao pod nadzorom i upravom tog logora, u ambulantu sproveden je od strane dva stražara tog logara, jedan od tih stražara koji tako vode teško pretučenog i izrezanog [REDACTED], kojeg prepoznaje [REDACTED] koja je ispred ambulante čekala s svojom bebom u naručju, koja je tad bila ozbiljno bolesna zbog loših higijenskih uslova u logoru, a da Puhalić Slavko kao odgovorna osoba za organiziranje i rad stražara i osiguranje logora Trnopolje, nije ništa poduzeo da zaštiti [REDACTED] odnosno sprijeći [REDACTED] koji prema [REDACTED] čini navedena zlostavljanja niti da [REDACTED] kao lice sklono urezivanju rana u obliku križa privede odgovornosti za učinjeno zlostavljanje;
- 4.3. Napadom na Kozarac u drugoj polovini mjeseca maja, [REDACTED] zajedno sa svojim bratom [REDACTED], napušta Kozarac i pod pratnjom vojnika sproveden je kao zatočenik u krug logora Trnopolje, i smješten u zgardu osnovne škole, zajedno sa ostalim civilnim stanovništvom muslimanske nacionalnosti, kada je tačno neutvrđenog dana u prostoriju gdje je zatvoren, zajedno sa ostalim članovima svoje porodice, došao [REDACTED] koji izvodi [REDACTED] i odvodi u prostorije kotlovnice, iz koje prostorije su dopirali vriska i jauci, a nakon dva sata ili više vremena, [REDACTED] je izведен

krvav, u predjelu lijeve strane grudnog koša imao je bajonetom urezану ranu u vidu križa, koja mu je nanešena od strane ██████████, a da Puhalić Slavko kao odgovorna osoba za organiziranje i rad stražara i osiguranje logora Trnopolje, nije ništa poduzeo da zaštiti logoraša civila ██████████ odnosno spriječi ██████████ koji prema tom logorašu čini navedena zlostavljanja niti ██████████ privede odgovornosti za učinjeno zlostavljanje;

- 4.4. Ljekar ambulante doktor ██████████, koja je intervencijom i lječničkom njegom uspjela spasiti život ██████████, prilikom previjanja istog na tijelu ██████████, vidjela je rane urezane u obliku križa koje su mu nanesene od strane ██████████, a da Puhalić Slavko kao odgovorna osoba za organiziranje i rad stražara i osiguranje logora Trnopolje, nije ništa poduzeo da zaštiti logoraša ██████████ odnosno ██████████ koji su prema tom logorašu civilu činili navedena zlostavljanja, niti da ta lica privede odgovornosti za učinjeno zlostavljanje;
5. Tačno neutvrđenog datuma, krajem mjeseca avgusta ili početkom mjeseca septembra 1992. godine, od strane Vojske Republike Srpske u krug logora „Trnopolje“ u Prijedoru, dovedeni su zarobljeni nesrpski civili iz sela Rizvanovići, općina Prijedor i to: ██████████
███████████
███████████, ove civile pripadnici VRS predavaju stražarima u logoru „Trnopolje“ u Prijedoru, a među njima i ██████████, koji zajedno sa ██████████ neidentifikovanim vojnicima Vojske Republike Srpske preuzima grupu civila iz Rizvanovića i odvodi u prostorije mjesne zajednice, u sklopu logora „Trnopolje“, gdje je zajedno sa drugim nepoznatim vojnicima VRS fizički maltretiraju i tuku zarobljene civile, nogama i rukama po svim djelovima tijela, a ovo fizičko zlostavljanje iz ove prostorije čuju svi logoraši koji su zatvoreni u krugu ovog logora, jer su objekti zatočenja civila u logoru „Trnopolje“ dio kompleksa jedinstvenog objekta čije prostorije pripadu kino sali, mjesnoj zajednici, garaži, poljoprivrednoj prodavnici i školi, da bi ih nakon fizičkog zlostavljanja, izveli iz ove prostorije mjesne zajednice vidno pretučene, postrojili u vrstu i sproveli do stare željezničke stanice do mjesta poznato kao „Ribnjak“ koja se nalazila u blizini logora Trnopolje, na način da je ove civile vodio jedan naoružan vojnik koji je išao ispred tih civila, a u pratnji iza civila išao je ██████████ koji je gonio civile i poskakivao i udarao ih nogom u leđa, gdje su ih po dovođenju upotrebom vatrenog oružja lišili života, a njihova tijela do danas nisu pronađena i ekshumiran, i vode se kao nestali, a da Puhalić Slavko kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi ██████████ koji zajedno sa NN vojnicim VRS čine navedeno mučenje, zlostavljanje i ubistvo ovih civila u logoru Trnopolje;

6. U periodu od početka mjesaca juna pa do kraja mjeseca septembra 1992. godine, u prostoriju labaratorije koja se nalazila u sklopu terenske Ambulante kao sastavni dio logora „Trnopolje“, [REDACTED]

[REDACTED] dovode zatočene civile [REDACTED]

[REDACTED] iz zgrade osnovne škole gdje su boravili zatočeni civili, i koje uvode u prostorije laboratorije a potom iste premlaćuju i fizički zlostavljaju udaranjem nogama, rukama i različitim predmetima, nanoseći im teške tjelesne povrede po čitavom tijelu i duševne bolove, uslijed kojih povreda je [REDACTED] podlegao odnosno umro, a [REDACTED] koji se nalazio u teškom zdrastvenom stanju uslijed tih povreda i trpio teške fizičke i psihičke bolove, prezivio je intervencijom i zdrastvenom njegom i pomoći ljekara koji su bili zatočeni u logoru Trnopolje u sklopu ambulante, i to od dr [REDACTED], koji [REDACTED] koji ga u narednim danima nakon ovog izvođenja i premlaćivanja kriju od stražara i održavaju u životu na način da mu daju lijekove za bolove, a da je pri tome [REDACTED] uspjela sačiniti fotografije [REDACTED] u tako teškom stanju koja je kriomice u strahu za svoj život uspjela predati međunarodnoj komisiji novinara, koji su objelodanili u NYTimes magazinu, što je doprinjelo i raspuštanju i izvlačenju ovih civila na teritoriju Republike Hrvatske, na koji način su i u konačnici spašeni životi i ljekara i [REDACTED], dok je tijelo izmrcvarenog i na smrt pretučenog [REDACTED] umotano u neko čebe i iznešeno iz prostorije laboratorije u sklopu ambulante i pritom svom osoblju ove ambulante, naređuju da legnu potruške i gledaju glavom prema podu dok se tijelo [REDACTED] iznosi, a potom izdvajaju medicinskog tehničara [REDACTED] kojem naređuju da očisti zidove i podove od krvi u ovoj prostoriji laboratorije, a da **Puhalić Slavko** kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje, zlostavljanje i ubistvo u logoru Trnopolje;

7. U tačno neutvrđeno vrijeme u mjesecu junu 1992. godine, u toku zatočenja, u krug logora Trnopolje, u zgradu gdje su smješteni muškarci muslimanske nacionalnosti, naoružan i obučen u šarenu uniformu bivše JNA, **Škrbić Dragan**, uz znanje i odobrenje Uprave tog logora, ulazi u jednu prostoriju Mjesne zajednice u krugu logora „Trnopolje“ koju je koristio za svoja ispitivanja zatočenih civila u istu prostoriju u narednih nekoliko dana, dovodi istu grupu mlađih muškaraca i to [REDACTED]

- 7.1. u zgradu gdje su smješteni muškarci muslimanske nacionalnosti, naoružan i obučen u šarenu uniformu bivše JNA, **Škrbić Dragan**, uz znanje i odobrenje Uprave tog logora, ulazi u jednu prostoriju Mjesne zajednice u krugu logora „Trnopolje“ koju je koristio za svoja ispitivanja zatočenih civila u istu prostoriju u narednih nekoliko dana, dovodi istu grupu mlađih muškaraca i to [REDACTED]
[REDACTED] kojima naređuje da sjednu na jedan kauč, koji se nalazi u toj prostoriji, i tako dok sjede jedan pored drugog pa ih zlostavlja, na način da ih udara zatvorenim šakama ruke i tuče po svim djelovima tijela, a nakon što završi taj dan

zlostavljanje i ispitivanje, istim muškarcima naređuje da ga i naredni dan čekaju u isto vrijeme i pred istom prostorijom, a potom ih uvodi u prostoriju Mjesne zajednice, i ponovo ih zlostavlja, a da Puhalić Slavko kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi Škrbić Dragana da učini navedeno mučenje i zlostavljanje civila zatočenih u logoru Trnopolje;

- 7.2. Nakon više dana zlostavljanja [REDACTED], Škrbić Dragan je putem Puhalić Slavka iznudio od [REDACTED] zlostavljanog [REDACTED], iz prethodne tačke ove Optužnice da mu preda novac i zlato u većoj vrijednosti, a kako bi prestao da izvodi i fizički zlostavlja [REDACTED], pa je [REDACTED] predao Škrbić Draganu preko Puhalić Slavka novac u iznosu od 700 DM i jedan veći zlatni prsten, koji je skoro pet generacija od hadža u porodici [REDACTED], oštetivši na taj način [REDACTED], a sebi pribavio protupravnu imovinsku korist;

[REDACTED] U krugu logora Trnopolje, u objektu gdje su smješteni zatočenici logora muškarci muslimanske nacionalnosti, dolaze dva [REDACTED] neidentifikovana naoružana i uniformisana lica i iz kruga logora „Trnopolje“, izvode [REDACTED], kojeg početkom mjeseca augusta 1992. godine, odvode u zaseok Sivci, mjesto Trnopolje, i kod kuće [REDACTED] lišavaju ga života, a nedugo potom naređuju zatvorenim civilima logorašima koje su izveli iz logora „Trnopolje“ da ukopaju tijelo [REDACTED], na mjestu na kojem ga je kasnije pronašao [REDACTED], koji je djelimično otkopao posmrtnе ostatke [REDACTED] iste prepoznao i ponovo na istom mjestu zatrpano zemljom, a da Puhalić Slavko kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno izvođenje i ubistvo zatočenika logora [REDACTED]

9. U tačno neutvrđeno vrijeme u mjesecu junu 1992. godine, u prostoriju laboratorije koja se nalazila u sklopu terenske Ambulante kao sastavni dio logora „Trnopolje“, [REDACTED] i druga [REDACTED] neidentifikovana naoružana lica, u više navrata odvode zatočene civile [REDACTED] koje uvode u prostorije laboratorije koje su se nalazile u sklopu terenske ambulante Trnopolje u logoru Trnopolje, a potom iste premlaćuju i fizički zlostavljaju, udarajući ih nogama, rukama i različitim predmetima, nanoseći na taj način [REDACTED] više povreda u vidu posjekotina u predjelu glave i lica i ubodnih rana nožem u predjelu mišića jedne noge i [REDACTED], koji je imao više posjekotina i u predjelu lica i prsa te porezotina nanešenih nožem, uslijed čega ovi zatočenici logora trpe teške fizičke i duševne bolove, a da Puhalić Slavko kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da učine navedeno mučenje i zlostavljanje navedenih zatočenika u logoru Trnopolje;

10. Od kraja mjeseca maja pa do početka mjeseca oktobra 1992. godine, u krug logora Trnopolje, u zgradu gdje su smješteni muškarci muslimanske nacionalnosti, zajedno sa stražarima iz kruga logora Trnopolje nije spriječio ulazak za sada neidentifikovanih naoružanih lica da izvedu zatočenike civile i to:

[REDACTED]

[REDACTED]

[REDACTED]

[REDACTED]

[REDACTED]

[REDACTED] koje su iz logora odvezli kombijem u pravcu Kozarca, na lokaciju [REDACTED] nakon brutalnog mučenja ubijeni a posmrtni ostaci pronadjeni, ekskhumirani i identifikovani, a da Puhalić Slavko kao odgovorna osoba za organizaciju, čuvarske službe i sigurnost u logoru Trnopolje, ništa nije poduzeo da spriječi navedena lica da izvedu zatočenike iz logora, muče ih i nakon toga ubiju;

11. U tačno neutvrđeno vrijeme u mjesecu junu 1992. godine, u krug logora Trnopolje, u zgradu Osnovne škole gdje su smješteni zatočenici muškarci bošnjačke nacionalnosti, prihvatajući i usaglašavajući se sa statusom i položajem stražara u logoru "Trnopolje" u sistemu zatvaranja, zlostavljanja, mučenja i progona civila, Damjanović Rajko, kojeg su zatočeni civili logoraši između sebe zvali „Faca“, često je dolazio u prostorije škole među logoraše i svaki put je nasumično tukao nekog od logoraša, udarajući ga rukama, nogama ili kundakom puške koju je nosio, kojem sistemu zlostavljanja je prethodilo obraćanje zatočenim civilima, na način da bi svaki put prilikom svog ulaska obratio se nekom od logoraša riječima „Šta je faco?“, „Gdje si Faco“, „Šta gledaš faco?“ i sl., zbog čega je od strane logoraša dobio takav nadimak kako bi ga između sebe lakše prepoznавали i upozoravali na njegov dolazak, pa je tako za vrijeme zatočenja, između ostalih zlostavljao zatočenike [REDACTED]

[REDACTED] u logoru „Trnopolje“, na način da je u toku dana Rajko Damjanović ušao u učionicu gdje su se nalazi zatočeni [REDACTED] kojem prilazi i obraća se pitajući ga: „Šta je faco, šta se šminkaš?“, a potom snažno ga udara nogom na kojoj je imao vojnu čizmu u predjelu bubrega i udara par šamara i udaljava se prema drugim logorašima, i na isti način zlostavlja [REDACTED] iz Kozarca, kojem se obraća riječima „De si faco!?", a nakon što mu je [REDACTED] odgovorio „Evo me faco“, iznenaden tim nastupom zatočenog čovjeka, Damjanović Rajko vadi svoj pištolj i u prisustvu drugih logoraša, udara [REDACTED] u predjelu glave od kojih udaraca izbija mu tri zuba i potom odgovara „Imaš mu.., niko mi dosada nije odgovorio“, [REDACTED] [REDACTED] udara po raznim dijelovima tijela nogama i rukama, uslijed kojih udaraca, su ti zatočenici logora Trnopolje trpili fizičke i duševne bolove;

Dakle,

Postupajući kao de facto zamjenik upravnika logora „Trnopolje“, islijednik i nadređena osoba svim stražarskim smjenama u logoru „Trnopolje“, u periodu od kraja mjeseca maja 1992. godine do početka mjeseca oktobra 1992. godine, pomogao i podržavao izvršenje sistema udruženog zločinačkog poduhvata u logoru „Trnopolje“, sa ciljem progona nesrpskog civilnog stanovništva sa područja općine Prijedor, na diskriminatorskoj osnovi, kroz uspostavljanje i održanje sistema logora, time što je propustio poduzeti mjere osiguranja i zaštite zatočenog civilnog stanovništva i spriječiti stražare i druge naoružane osobe da prema zatočenim civilima čine radnje i postupke koje su dovele do mučenja, zlostavljanja, seksualnog nasilja i silovanja, ubistava i prisilnog izvođenja i nestanka zatočenika i drugih nehumanih i degradirajućih uvjeta boravka zatočenika u tom logoru, uslijed čega je došlo do radnji stražara i drugih naoružanih osoba prema zatočenicima, koje su proizvele posljedice u tim navedenim oblicima u odnosu na zatočenike i dovele do ostvarivanja cilja tog logorskog sistema,

Čime bi:

- *Radnja opisanim u dijelu I tačka 1., podtačke od 1.1. do 1.9. Optužnice doprinosio i pomagao održavanju sistema logora, na način da je pomogao progon kroz zatvaranje ili drugo teško oduzimanje fizičke slobode suprotno osnovnim pravilima međunarodnog humanitarnog prava, nije spriječio ulazak i izvođenje civila od strane naoružanih lica koja su vršila seksualana zlostavljanja i silovanja zatočenica-logoraša;*
- *Radnjama opisanim u dijelu I tačka 2., tačkom 3., tačkom 6., tačkom 8., tačkom 9. i tačkom 10. Optužnice, pomogao progon kroz izvršenje radnji lišenja druge osobe života;*
- *Radnjama opisanim u dijelu i tačka 4., podtačke 4.1. do 4.4., tačka 6., tačka 7. podtačka 7.1 i 7.2, i tačka 9. i tačka 11. Optužnice, pomagao izvršenje radnji mučenja i drugih nečovječnih djela slične prirode, učinjena u namjeri nanošenja velikih patnjih ili ozbiljnih fizičke ili psihičke povrede ili narušavanja zdravlja zatočenih civila;*
- *Radnjama opisanim u dijelu i tačka 5. Optužnice, pomagao izvršenje progona kroz izvršenje radnji prisilnog odvođenja i nestanka;*

Čime je,

Naprijed navedenim radnjama, radnjama propuštanja, počinio krivično djelo Zločini protiv čovječnosti iz člana 172. stav 1. tačka h) u vezi sa tačkom a), e), f), g) i k), a sve u vezi sa članom 180. stav 1., članom 29. i članom 31. Krivičnog zakona Bosne i Hercegovine.

II Rudak Željko

Postupajući kao stražar u logoru „Trnopolje“, od kraja mjeseca maja 1992. godine pa do početka mjeseca oktobra 1992. godine, i kao dio udruženog zločinačkog poduhvata u sistemu logora „Trnopolje“, znajući za postojanje tog sistema i htijući ostvarivanje cilja tog poduhvata, u smislu progona civilnog nesrpskog stanovništva kroz sistem prisilnog i protuzakonitog zatvaranja u tom logoru, držanjem u nehumanim i degradirajućim uvjetima sa atmosferom straha i terora nad tim zatočenim civilima, mučenjem, seksualnim nasiljem i silovanjem, ubistvima i prisilnim izvođenjem i nestankom zatočenika, neposredno doprinosio i pomagao održavanje tog sistema, na način da je:

1. U toku mjeseca juna 1992. godine, u logoru Trnopolje:

1.1. U jednom od objekata koji su se nalazili u krugu logora Trnopolje, doveden je [REDACTED] dok su se u istoj prostoriji nalazili [REDACTED] Rudak Željko i još jedan [REDACTED] neidentifikovani vojnik VRS, obučeni u uniforme i naoružani sa oružjem koji su ujedno u logoru Trnopolje od strane logoraša bili prepoznati kao de facto stražari tog logora, [REDACTED] prilazi i naređuje [REDACTED] da uzme papir i olovku i da napiše izjavu kojoj političkoj stranci pripada, za koga je glasao i slično, da bi tada [REDACTED] zajedno sa Rudak Željkom i još jednim nepoznatim vojnikom počeli udarati [REDACTED], na način da ga je [REDACTED] udarao drvenom nogom od stolice po svim djelovima tijela, a potom [REDACTED] je stavio šljem na glavu i tom drvenom nogom od stolice udarao po šljemu, a kada bi [REDACTED] pao od udaraca tada bi ga podizali i nastavljali udarati, potom je [REDACTED] naredio [REDACTED] da klekne u položaj za klanjanje, i u tom položaju [REDACTED] Rudak Željko i NN vojnik nastavljaju ga udarati nogama i rukama u predjelu rebara i leđa, nakon čega [REDACTED] prisiljava [REDACTED] da piše izjavu u kojoj je morao navoditi pogrdne riječi protiv Srba, a koju izjavu je [REDACTED] uzeo i obratio se svim prisutnim u prostoriji sa riječima "vidi šta je balija napisao" i tada bi ga sva trojica opet nastavili tući rukama, nogama po svim djelovima tijela, nakon čega je [REDACTED] sjeo i iz čizme izvadio vojnički nož, pitajući [REDACTED] "koliko je četnika sa njim zaklao", a potom prinosi nož ispod vrata [REDACTED] obraćajući mu se sa riječima da ga neće zaklati ali da će mu na Bajram napraviti krst na prsima, potom [REDACTED] oštricom noža uzerzuje rane u obliku krsta na prsima [REDACTED], nanoseći [REDACTED] fizičku bol i duševnu patnju, govoreći "Evo sad ćeš biti prekršćeni Srbin", i tako krvavog vraćaju ga nazad u prostorije logora u Trnopolju u kojima su boravili i ostali zarobljeni civili, nanoseći

teške fizičke i psihičke patnje, od kojih su ožiljci na prsima [REDACTED] bili vidljivi i nakon 10 godina od njegovog zlostavljanja, a da Puhalić Slavko kao odgovorna osoba za organiziranje i rad stražara i osiguranje logora Trnopolje, nije ništa poduzeo da zaštiti navedenog logoraša, odnosno sprijeći lica, koja su prema tom logorašu činili navedena zlostavljanja niti da ta lica privede odgovornosti za učinjeno zlostavljanje.

Dakle,

Postupajući kao stražar u logoru „Trnopolje“ u periodu od kraja mjeseca maja 1992. godine do početka mjeseca oktobra 1992. godine, doprinosio, podržavao i izvršavao ostvarenje sistema udruženog zločinačkog poduhvata u logoru „Trnopolje“, sa ciljem progona nesrpskog civilnog stanovništva sa područja općine Prijedor, na diskriminatorskoj osnovi kroz uspostavljanje i održanje sistema logora, time što je poduzimao i postupke koje su doveli do mučenja, zlostavljanja, i drugih nehumanih i degradirajućih uvjeta boravka zatočenika u tom logoru, uslijed čega je došlo do povrede tjelesnog integriteta i fizičkih i duševnih bolova i patnji,

Čime bi,

- Radnjama opisanim u dijelu II tačka 1., podtačka 1.1. Optužnice, učinio radnje mučenja i drugih nečovječnih djela slične prirode, učinjena u namjeri nanošenja velikih patnjih ili ozbiljnih fizičke ili psihičke povrede ili narušavanja zdravlja zatočenih civila;

Čime je,

Naprijed navedenim radnjama Rudak Željko počinio krivično djelo Zločini protiv čovječnosti iz člana 172. stav 1. tačka h) u vezi sa tačkom f) i k), a sve u vezi sa članom 180. stav 1. i članom 29. Krivičnog zakona Bosne i Hercegovine.

III Škrbić Dragan

Postupajući kao stražar u logoru „Trnopolje“, od kraja mjeseca maja 1992. godine pa do početka mjeseca oktobra 1992. godine, i kao dio udruženog zločinačkog poduhvata u sistemu logora „Trnopolje“, znajući za postojanje tog sistema i htijući ostvarivanje cilja tog poduhvata, u smislu progona civilnog nesrpskog stanovništva kroz sistem prisilnog i protuzakonitog zatvaranja u tom logoru, držanjem u nehumanim i degradirajućim uvjetima sa atmosferom straha i terora nad tim zatočenim civilima, mučenjem, seksualnim nasiljem i silovanjem, ubistvima i prisilnim izvođenjem i nestarkom zatočenika, neposredno doprinosio i pomagao održavanje tog sistema, na način da je:

1. U tačno neutvrđeno vrijeme u mjesecu junu 1992. gdine, u toku zatočenja, u krug logora Trnopolje, u zgradu gdje su smješteni muškarci muslimanske nacionalnosti, naoružan

i obučen u šarenu uniformu bivše JNA, Škrbić Dragan, uz znanje i odobrenje Uprave tog logora, ulazi u jednu prostoriju Mjesne zajednice u krugu logora „Trnopolje“, koju je uz znanje Uprave logora koristio za svoja zlostavljanja i ispitivanja zatočenih civila logoraša, na način da je:

- 1.1. u zgradu gdje su smješteni muškarci muslimanske nacionalnosti, naoružan i obučen u šarenu uniformu bivše JNA, Škrbić Dragan, uz znanje i odobrenje Uprave tog logora, ulazi u jednu prostoriju Mjesne zajednice u krugu logora „Trnopolje“, koju je koristio za svoja ispitivanja zatočenih civila logoraša i u istu prostoriju u narednih nekoliko dana, dovodi istu grupu mlađih muškaraca i to [REDACTED] kojima naređuje da sjednu na jedan kauč koji se nalazi u toj prostoriji, i tako dok sjede jedan pored drugog pa ih zlostavlja, na način da ih udara zatvorenim šakama ruke i tuče po svim djelovima tijela, a nakon što završi taj dan zlostavljanje i ispitivanje, istim muškarcima naređuje da ga i naredni dan čekaju u isto vrijeme i pred istom prostorijom, a potom ih uvodi u prostoriju Mjesne zajednice, i ponovo ih zlostavlja, uslijed kojih zlostavljanja su [REDACTED] trpili jake fizičke i duševne bolove;*
- 1.2. Nakon više dana zlostavljanja [REDACTED] Škrbić Dragan je putem Puhalić Slavka iznudio od [REDACTED] zlostavljanog [REDACTED], iz prethodne tačke ove Optužnice da mu predala novac i zlato u većoj vrijednosti, a kako bi prestao da izvodi i fizički zlostavlja [REDACTED], pa je [REDACTED] predao Škrbić Draganu preko Puhalić Slavka novac u iznosu od 700 DM i jedan veći zlatni prsten, koji je skoro pet generacija od hadža u porodici [REDACTED], oštetivši na taj način [REDACTED] a sebi pribavio protupravnu imovinsku korist;*

Dakle,

Postupajući kao stražar u logoru „Trnopolje“ u periodu od kraja mjeseca maja 1992. godine do početka mjeseca oktobra 1992. godine, doprinosio, podržavao i izvršavao ostvarenje sistema udruženog zločinačkog poduhvata u logoru „Trnopolje“, sa ciljem progona nesrpskog civilnog stanovništva sa područja općine Prijedor, na diskriminatorskoj osnovi kroz uspostavljanje i održanje sistema logora, time što je poduzimao i postupke koje su dovele do mučenja, zlostavljanja, i drugih nehumanih i degradirajućih uvjeta boravka zatočenika u tom logoru, uslijed čega je došlo do povrede tjelesnog integriteta i fizičkih i duševnih bolova i patnji,

Čime bi,

- Radnjama opisanim u dijelu **III tačka 1., podtačke 1.1. i 1.2. Optužnice**, učinio radnje mučenja i drugih nečovječnih djela slične prirode, učinjena u namjeri nanošenja velikih patnjih ili ozbiljnih fizičke ili psihičke povrede ili narušavanja zdravlja zatočenih civila;

Čime je,

Naprijed navedenim radnjama Škrbić Dragan počinio krivično djelo Zločini protiv čovječnosti iz člana 172. stav 1. tačka h) u vezi sa tačkom f) i k), a sve u vezi sa članom 180. stav 1. i članom 29. Krivičnog zakona Bosne i Hercegovine.

LOGORI TRNOPOLJE I KERATERM

IV Damjanović Rajko

Postupajući kao stražar u logoru „Trnopolje“ i logoru „Keraterm“, od kraja mjeseca maja 1992. godine pa do početka mjeseca oktobra 1992. godine, i kao dio udruženog zločinačkog poduhvata u tim sistemima logora „Trnopolje“ i „Keraterm“, znajući za postojanje tih sistema i htijući ostvarivanje cilja tog poduhvata, u smislu progona civilnog nesrpskog stanovništva kroz sisteme prisilnog i protuzakonitog zatvaranja u tom logoru, držanjem u nehumanim i degradirajućim uvjetima sa atmosferom straha i terora nad tim zatočenim civilima, mučenjem, seksualnim nasiljem i silovanjem, ubistvima i prisilnim izvođenjem i nestankom zatočenika, neposredno doprinosio i pomagao održavanje tog sistema, na način da je:

1. U tačno neutvrđeno vrijeme u mjesecu julu 1992. godine, u krug logora Trnopolje, u zgradu Osnovne škole gdje su smješteni zatočenici muškarci muslimanske nacionalnosti, prihvatajući i usaglašavajući se sa statusom i položajem stražara u logoru „Trnopolje“ u sistemu zatvaranja, zlostavljanja, mučenja i progona civila, **Damjanović Rajko**, kojeg su zatočeni civili logoraši između sebe zvali „Faca“, često je dolazio u prostorije škole među logoraše i svaki put je nasumično tukao nekog od logoraša, udarajući ga rukama, nogama ili kundakom puške koju je nosio, kojem sistemu zlostavljanja je prethodilo obraćanje zatočenim civilima, na način da bi svaki put prilikom svog ulaska obratio se nekom od logoraša riječima „Šta je faco!“, „Gdje si Faco“, „Šta gledaš faco?“ i sl., zbog čega je od strane logoraša dobio nadimak kako bi ga između sebe lakše prepoznавали i upozoravali na njegov dolazak, pa je tako za vrijeme zatočenja, između ostalih zlostavlja zatočenike ██████████ u krugu logora „Trnopolje“, na način da je u toku dana Rajko Damjanović ušao u učionicu gdje su se nalazili zatočeni ██████████ kojem prilazi i obraća se pitajući ga: „Šta je faco, šta se šminkaš?“, a potom snažno ga udara nogom na kojoj je imao vojnu čizmu u predjelu bubrega i udara par šamara i udaljava se prema drugim logorašima, i na isti način

zloastavlja i [REDACTED] iz Kozarca, kojem se obraća riječima „Đe si faco!?", a nakon što mu je [REDACTED] odgovorio „Evo me faco“, iznenaden tim nastupom zatočenog čovjeka, Damjanović Rajko vadi svoj pištolj i u prisustvu drugih logoraša udara [REDACTED] u predjelu glave od kojih udaraca izbija mu tri zuba i potom odgovara „Imaš mu..., niko mi dosada nije odgovorio“, [REDACTED] udara po raznim dijelovima tijela nogama i rukama, uslijed kojih udaraca, su ti zatočenici logora Trnopolje trpili fizičke i duševne bolove;

2. U periodu od 30. aprila 1992. godine do kraja 1992. godine, u vrijeme oružanog sukoba u Republici Bosni i Hercegovini u kontekstu širokog i sistematičnog napada na bosanske Muslimane, bosanske Hrvate i ostalo nesrpsko civilno stanovništvo s područja opštine Prijedor, koji napad su izveli pripadnici Vojske Republike Srpske, Teritorijalne odbrane, policije i paravojne formacije i naoružani civili, kojima je rukovodio prvo Krizni štab opštine Prijedor, a kasnije srpska Skupština opštine Prijedor, izvršavajući plan permanentnog preseljenja bosanskih Muslimana, bosanskih Hrvata i ostalih nesrpskih stanovnika sa područja planirane srpske države u Bosni i Hercegovini, u okviru tog plana je više desetina hiljada nesrpskih civila sa područja te opštine, koji su preživjeli prve napade artiljerije i pješadije, među kojima posebno intelektualci, privrednici, političke vođe, kao i imućniji građani, bili sistematski zarobljavani i odvođeni i samovoljno zatvarani u logore Omarska, Keraterm i Trnopolje, koji su bili formirani i koji su djelovali prema direktivama kriznog štaba opštine Prijedor, gdje su držani u nehumanim uslovima i bili podvrgnuti teškom fizičkom, psihičkom i seksualnom zlostavljanju, mnogi od njih su ubijeni, zbog svoje nacionalne, vjerske ili političke pripadnosti, pa je tako;
- 2.1. Rajko Damjanović kao *de facto* stražar u logoru „Keraterm“ oformljen za civile s prostora općine Prijedor, u jednom od svojih dolazaka u logor „Keraterm“ u čiji sastav su potpadale 3 hale u kojima je u prijeratnom periodu postojalo postrojenja za proizvodnju keramike, u tačno neutvrđeno vrijeme u prvoj polovini mjeseca jula 1992. godine, dolazi pred halu 2 logora „Keraterm“ gdje su se nalazili zatočeni civili s područja Prijedora i Kozarca, u noćnim satima kretajući se ispred hale 2 i ulaznih vrata u ovaj prostor, koji je bio osvjetljen s vanjske strane, prilazi tako ulaznim vratima na kojima su bile željezne rešetke, i tada vidi jednog zatočenog logoraša, [REDACTED], kako sjedi na jednom buretu, koje je svake noći unošeno u halu među zatočene logoraše, radi potrebe vršenje nužde u toku noći, kako isti zbog stomačnih problema sjedi na istom, obraća se [REDACTED] dok su se odjeci tog razgovora mogli čuti u hali broj 2 i drugi prisutni logoraši, potom vadi pištolj i iz neposredne blizine kroz rešetke vrata pred ostalim logorašima, kojih je u tom trenutku bilo najmanje 200 i koji su zbog skučenosti prostora ležali i pored vrata i bureta koje se nalazilo u hali broj 2, na udaljenosti od vrata do bureta pucao u pravcu [REDACTED], nakon kojeg pučnja [REDACTED]

[REDACTED] pada s bureta i ostaje ležati pored bureta mrtav sve do jutarnjih sati, kada su njegovo tijelo mogli vidjeti svi logoraši u toj hali broj 2 logora Keraterm, i kada je od strane par odabranih logoraša stavljen na jednu drvenu paletu i iznešen van, a posmrtni ostaci [REDACTED] su ekshumirani u masovnoj grobnici Jakarina Kosa;

- 2.2. Istu noć, u isto vrijeme pucnjem iz istog vatrenog oružja, kao u prethodnoj tački ove Optužnice, **Damjanović Rajko**, pogarda i zatočenika logora civila [REDACTED] [REDACTED], koji nakon tog ranjavanja boravi među ostalim logorašima i koji su vidjeli tu ranu, nakon čega je pod izgovorom ukazivanja medicinske pomoći izведен od strane nepoznatih osoba iz logora, a njegovi posmrtni ostaci ekshumirani u masovnoj grobnici Jakarina Kosa;
- 2.3. **Rajko Damjanović**, obučen nekad u vojnu uniformu a nekad u civilnu odjeću, često je dolazio i obavljao de facto dužnosti stražara u logoru „Keraterm“, u pratnji uza se vodio je i psa vučijaka, i pri svakom svom dolasku je nasumično ponižavao i tukao zatvorene logoraše, kad bi prišao nekom od zatvorenika obratio bi se riječima „Gdje si faco, Ko si ti faco, Šta gledaš faco?“ i slično, zbog čega je u logoru „Keraterm“ među logorašima bio poznat po nadimku „Faca“, pa bi tako dolazio i u toku dana, kada bi uskraćivao i tjerao logoraše od pitke vode koju bi Uprava logora „Keraterm“ nekad puštala iz nekog crijeva, kako bi njegov pas mogao piti vodu, a potom bi ulazio u hale među logoraše držeći pištolj u rukama prijeteći i upirući u zatvorene logoraše, i u jednom takvom ulasku u halu broj 2 logora „Keraterm“, prilazi zatočenom [REDACTED] i obraća mu se s riječima „Faco i pitajući za [REDACTED]“, pa nezadovoljan odgovorom [REDACTED], koji je sjedio na paleti ispred njega, **Rajko Damjanović** snažno udara [REDACTED] svojom desnom nogom u glavu u predjelu između lijevog obara i uha i potom se udaljava, u momentu kada udara [REDACTED] to vide i drugi zatočenici logora koji se nalaze odmah do [REDACTED], a od posljedica navedenog udarca [REDACTED] je u narednih 10 dana ima veliku oteklinu i uslijed čega je trpio jake fizičke i duševne bolove;

Dakle,

Postupajući kao stražar u logoru „Trnopolje“ i u logoru „Keraterm“ u periodu od kraja mjeseca maja 1992. godine do početka mjeseca oktobra 1992. godine, doprinosio, podržavao i izvršavao ostvarenje sistema udruženog zločinačkog poduhvata u logoru „Trnopolje“, sa ciljem progona nesrpskog civilnog stanovništva sa područja općine Prijedor, na diskriminatorskoj osnovi kroz uspostavljanje i održanje sistema logora, time što je poduzimao i postupke koje su dovele do ubistava, mučenja, zlostavljanja, i drugih nehumanih i degradirajućih uvjeta boravka zatočenika u tom logoru, uslijed čega je došlo do povrede tjelesnog integriteta i fizičkih i duševnih bolova i patnji,

Čime bi,

- Radnjama opisanim u dijelu IV tačka 1., tačka 2-podtačka 2.3. Optužnice učinio izvršenje radnji mučenja i drugih nečovječnih djela slične prirode, učinjena u namjeri nanošenja velikih patnjih ili ozbiljnih fizičke ili psihičke povrede ili narušavanja zdravlja zatočenih civila;
- Radnjama opisanim u dijelu IV tačka, tačka 2. podtačka 2.1. i 2.2. Optužnice učinio izvršenje radnji lišenja života druge osobe;

Čime je,

Naprijed navedenim radnjama Damjanović Rajko počinio krivično djelo Zločini protiv čovječnosti iz člana 172. stav 1. tačka h) u vezi sa tačkom a), f) i k), a sve u vezi sa članom 180. stav 1. i članom 29. Krivičnog zakona Bosne i Hercegovine.

LOGOR OMARSKA

V Šaponja Dragomir

Postupajući kao stražar u logoru „Trnopolje“ i logoru „Omarska“, od kraja mjeseca maja 1992. godine pa do početka mjeseca oktobra 1992. godine, i kao dio udruženog zločinačkog poduhvata u tim sistemima logora „Trnopolje“ i „Omarska“, znajući za postojanje tih sistema i htijući ostvarivanje cilja tog poduhvata, u smislu progona civilnog nesrpskog stanovništva kroz sisteme prisilnog i protuzakonitog zatvaranja u tom logoru, držanjem u nehumanim i degradirajućim uvjetima sa atmosferom straha i terora nad tim zatočenim civilima, mučenjem, seksualnim nasiljem i silovanjem, ubistvima i prisilnim izvođenjem i nestankom zatočenika, neposredno doprinosio i pomagao održavanje tog sistema, na način da je:

1. U drugoj polovini mjeseca juna 1992. godine, iz prostorije koja je među zarobljenim i protupravno zatočenim civilima - logorašima muslimanske nacionalnosti bila poznata kao „Mujina spavaonica“, od strane ██████████ ██████████ ██████████ ██████████ ██████████ koji ih sprovodi do „Bijele kuće“ zatočeničkog objekta u sklopu tog

¹ Paragraf 220 Predmet IT-99-24-T Stakić, od 31.juli 2003.godine

logora gdje su zatočeni civilni-logoraši zvijerski tučeni i mučeni do gubitka svijesti i smrti, uvodi ih u drugu prostoriju sa lijeve strane hodnika u odnosu na ulazna vrata prizemlja, u kojoj ih čekaju već spremni [REDACTED]

[REDACTED] i Šaponja Dragomir, koji ih odmah po uvođenju u tu prostoriju počinju tući raznim predmetima, palicama, kablavima, zatvorenim šakam i nogama, po svim djelovima tijela, nakon čega naređuju [REDACTED], da zauzmu četvernoške stav na podu, da bi potom opet nastavili da ih u takvom položaju tuku, u toku kojeg zlostavljanja obaraju [REDACTED] na leđa kada mu [REDACTED]

[REDACTED] počinje skakati po stomaku, krv iz [REDACTED]

[REDACTED], štrca svuda po sobi i tako teško pretučene i krvave izvode van iz ove prostorije ispred objekta u kojem se nalaze, to jest "Bijela kuća", primoravaju ih da se umiju u lokvi vode koja se nalazila ispred, a potom ih vraćaju nazad u istu prostoriju, da bi tada:

- 1.1. Dragomir Šaponja, prilazi izmrcvarenom, teško i vidno pretučenom [REDACTED] koji je primoran da u prostoriju gdje je uveden zauzme četvernoški stav, „kao pas“, obučen u šarenu uniformu i naoružan, obratio se [REDACTED] izgovarajući njegovo ime i govoreći kako je on, **Dragomir Šaponja**, ratovao u Lipiku i Pakracu u Republici Hrvatskoj, dok se teško pretučeni [REDACTED] provodio po Prijedoru, potom prilazi [REDACTED], zavrće pantalone na jednoj nozi i pokazuje ranu od metka koju je zadobio na ratištu u Republici Hrvatskoj, i traži od [REDACTED] da pogleda tu ranu, da bi u trenutku dok [REDACTED] okreće glavu u pravcu u kojem mu **Dragomir Šaponja** naređuje, zadaje snažan udarac nogom [REDACTED] posred lica i počinje tući nogama u predjelu glave, od kojih udaraca [REDACTED] počinje gubiti svijest, pada na pod u svoju krv koja je liptala iz njegove glave i iz usta izbacuje djelove zuba i usirenu krv, trpi strahovite bolove u predjelu nosa koji je od udaraca polomljen, u toku kojeg zlostavljanja je [REDACTED] i slomljena ruka, polomljena rebra, izbijeni zubi, nakon čega je u narednih 20 dana trpio nesnošljive bolove i bio u gotovo besvjesnom stanju;
- 1.2. Sredinom juna 1992. godine, otprilike nekih dvadesetak dana nakon dovođenja u logor Omarska, u popodnevnim satima u prostoriju u kojoj je [REDACTED] boravio sa ostalim zatočenim civilima ulazi Šaponja Dragomir zajedno sa [REDACTED] koji po ulasku prozivaju po imenu [REDACTED], a pored njega i [REDACTED] [REDACTED], izvode van prostorije u kojoj su bili zarobljeni zajedno s ostalim civilima, i odvode do objekta „Bijela kuća“, objekat koji se nalazio u zadnjem djelu logora i koja se sastojala od hodnika i tri manje sobe, uvođe u jednu prostoriju gdje ih odmah počinju tući, nogama, sajlama, palicama, a nakon što

je teško pretučen [REDACTED] izdvajaju [REDACTED] i traži mu sto hiljada tadašnjih njemačkih maraka, kako bi otkupio svoj život do narednog dana do 18.00 sati, uslijed ovog premlaćivanja [REDACTED] izbijeni su zubi, zadobio je povrede po cijelom tijelu, duži period svog zatočenja u logoru bio je skoro nepokretan, a uslijed torture koja su nad [REDACTED] vršila ova grupa stražara, u toku svog zatočeništva [REDACTED] je u tri navrata pokušao izvršiti saomoubistvo u logoru Omarska, u čemu je bio spriječen od strane drugih logoraša;

- 1.3. Sredinom juna 1992. godine, otprilike nekih dvadesetak dana nakon dovođenja u logor Omarska, u popodnevnim satima u prostoriju u kojoj je [REDACTED] boravio sa ostalim zatočenim civilima, ulazi Šaponja Dragomir zajedno sa [REDACTED], koji po ulasku prozivaju po imenu [REDACTED], a pored njega i [REDACTED] izvode van prostorije u kojoj su bili zarobljeni zajedno s ostalim civilima, i odvode do objekta „Bijela kuća“, objekat koji se nalazio u zadnjem djelu logora i koja se sastojala od hodnika i tri manje sobe, uvode u jednu prostoriju gdje ih odmah počinju tući, nogama, sajlma, palicama, a nakon što je teško pretučen [REDACTED] izdvajaju [REDACTED] i traži mu 50.000 DM, uslijed ovog premlaćivanju izbijeni su zubi, zadobio je povrede po cijelom tijelu, uslijed čega je [REDACTED] trpio velike i teške fizičke i duševne bolove;

- 1.4. Sredinom mjeseca juna 1992. godine, Šaponja Dragomir zajedno sa [REDACTED] u toku premlaćivanja [REDACTED], u prostorijama objekta „Bijela Kuća“, uvode iz druge prostorije te kuće u prostoriju, gdje se već vidno pretučeni nalaze ovi zatočeni logoraši, [REDACTED], koji je jedva davao znake života i u takvom teškom fizičkom stanju nastavljaju pred ovim zatočenim logorašima da tuku nogama, rukama i raznim predmetima [REDACTED] od kojih udaraca [REDACTED] leži na podu ne može više da ispušta ni zvukove, njegova koža na licu je bila zguljena od udaraca, leži izmrcvaren skoro na smrt u svojoj lokvi krvi, njegovo izmučeno tijelo vuku i tjeraju ga da pogleda [REDACTED], kako bi rekao Šaponji Dragomiru i ostalim stražarima da li su ovi logoraši učestvovali u akciji napada na grad Prijedor, a nakon što bi [REDACTED] jedva izustio da ne poznaje i da ovi ljudi nisu s njim učestvovali ni u jednom pokušaju otpora nelegalnim vlastima, bio bi opet udaran od strane Šaponja Dragomira zajedno sa [REDACTED] nakon čega je [REDACTED] umro uslijed zadobijenih povreda od premlaćivanja;

- 1.5. Sredinom mjeseca juna 1992. godine, ██████████, zatočenik logora „Omarska“, smješten je u prostoriji broj 12 na spratu bivše upravne zgrade, u kojoj prostoriju dijeli s ostalim zatočenicima civilima muslimanske nacionalnosti, tačno neodređenog dana u mjesecu junu 1992. godine, po zatočenju u logoru odveden je na ispitivanje gdje je pretučen, u povratku s ispitivanja prolazi pored objekta „Bijele kuće“, kako bi ušao u zgradu u prostoriju gdje je bio smješten, primjetio je nekoliko vojnika VRS među kojima i Dragomira Šaponju, kojeg poznaje kao bivšeg rukometnog sportistu i sa njima ██████████ kako tuku ██████████ i još nekoliko civila, kriomice vidi šta se dešava u toj kući i pokušava proći, kada ga je Dragomir Šaponja spazio i prepoznao i tada je potrcao za ██████████, kojeg je uspio sustići i obara ga na pod, zadaje snažan udarac u predjelu glave od kojeg udarca mu nanosi prelom vilice, udara ga nogama, rukama, kundakom puške, od kojih udaraca pada stomakom na stepenice, kada Šaponja Dragomir odlazi do ulaznih vrata uzima jedan komad metala i počinje sa što veće visine da baca na leđa ██████████, taj komad metala baca krećući se u pravcu glave, kada je ██████████ shvatio da će taj komad metala da ga udari u potiljak vrata, iz njemu nepoznatih razloga dobiva nadljudsku snagu, te uspijeva odgurnuti Šaponju Dragomira i počinje da trči uz stepenice prema prostoriji gdje su ostali zatvorenici, uspijeva ući i na taj način spasiti se;
- 1.6. Tačno neutvrđenog dana u mjesecu julu 1992. godine, nakon što je u logoru Trnjopolje od strane upravnika logora ██████████ i njegovog zamjnika Puhalić Slavka izdvojen zatočenik tog logora ██████████, i od strane Puhalić Slavka i jednog od pratilaca ██████████ te još jednog naoružanog vojnika VRS sproveden u zgradu Stanice javne bezbjednosti Prijedor, gdje je taj logoraš preuzet od jednog inspektora, Šaponja Dragomir je u uniformi i naoružan, ušao u kancelariju gdje se nalazio logoraš ██████████ i nakon što mu je naložio da skine kaiš i pertle, počeo ga tući na način, da ga je udarao sa obje ruke u predjelu glave pa kad je ██████████ od tog udarca pao na pod nastavlja ga tući i nogama i rukama, a potom ga odvodi do ćelije, na način da ga je kaišem vezao za vrat i vukao hodnikom uslijed kojih radnji je ██████████ trpio snažne fizičke bolove i poniženje, a potom ispred pritvorske jedinice nastavio da tuče ██████████, zajedno sa još nekoliko vojnika koji su se zatekli udarajući ██████████ po čitavom tijelu nogama, rukama i raznim predmetima uslijed čega je ██████████ trpio još jače fizičke i duševne bolove i bio u krvi po čitavom tijelu;
- 1.7. Tačno neutvrđenog dana u mjesecu julu 1992. godine na lokaciji kod Žegerskog mosta, općina Prijedor, Šaponja Dragomir zajedno sa ██████████ tokom učešća u akciji čišćenja i progona nesrpskog stanovništva na području naselja, koji čine Brdo u Prijedoru, naoružani i uniformisani VRS, presreo je i zaustavio ██████████ civila iz Čarakova koga su zajedno sa drugim civilima Muslimanima iz Čarakova,

sprovodili vojnici VRS udario ga par puta kundakom puške, nogama i šakama, a [REDACTED] zarezao čakijom po stomaku a uslijed čega je [REDACTED] trpio velike fizičke bolove i poniženje, a nakon toga je Šaponja Dragomir sa [REDACTED] i drugim vojnicima koji su se tu zatekli nastavio da udara i [REDACTED], nanoseći im fizičke i duševne boli, pa kad se umorio od udaranja gurnuo [REDACTED] i druge civile u jedan jarak pored puta.

Dakle,

Postupajući kao stražar logoru „Omarska“, u periodu od kraja mjeseca maja 1992. godine do početka mjeseca oktobra 1992.godine, doprinosio, podržavao i izvršavao ostvarenje sistema udruženog zločinačkog poduhvata u logoru „Omarska“, sa ciljem progona nesrpskog civilnog stanovništva sa područja općine Prijedor, na diskriminatorskoj osnovi kroz uspostavljanje i održanje sistema logora, time što je poduzimao i postupke koje su dovele do ubistava, mučenja, zlostavljanja, i drugih nehumanih i degradirajućih uvjeta boravka zatočenika u tom logoru, uslijed čega je došlo do povrede tjelesnog integriteta i fizičkih i duševnih bolova i patnji,

Čime bi,

- Radnjama opisanim u dijelu **V tačka 1., podtačka 1.1., 1.2., 1.3., 1.5., 1.6. i 1.7.** Optužnica učinio izvršenje radnji mučenja i drugih nečovječnih djela slične prirode, učinjena u namjeri nanošenja velikih patnjih ili ozbiljnih fizičkih ili psihičkih povreda ili narušavanja zdravlja zatočenih civila;
- Radnjama opisanim u dijelu **V tačka 1. podtačka 1.4.** Optužnica učinio izvršenje radnji lišenja života druge osobe;

Čime je,

Naprijed navedenim radnjama Šaponja Dragomir počinio krivično djelo Zločini protiv čovječnosti iz člana 172. stav 1. tačka h) u vezi sa tačkom a), f) i k), a sve u vezi sa članom 180. stav 1. i članom 29. Krivičnog zakona Bosne i Hercegovine.

Tužilac Tužilaštva BiH